



RESOLUCIÓN

ASUNTO: AMPLIACIÓN DO HORARIO DE PECHE DOS ESTABLECEMENTOS ABERTOS AO PÚBLICO, DOS ESPECTÁCULOS PÚBLICOS E DAS ACTIVIDADES RECREATIVAS CON MOTIVO DA CELEBRACIÓN DA FESTA POPULAR DENOMINADA *PRE-FESTA DE FIN DE ANO* E *FESTA DE FIN DE ANO*, ORGANIZADA POLA ASOCIACIÓN CULTURAL XENTE DA TRALLA

EXPEDIENTE DECRETO: 2024/G003/001228

ANTECEDENTES:

EXPTE. Nº **2024/U029/000081**

A Lei 10/2017, do 27 de decembro, de espectáculos públicos e actividades recreativas de Galicia, establece no artigo 4.c) que lle corresponde á consellería competente en materia de espectáculos públicos e actividades recreativas determinar o horario xeral de apertura e peche dos establecementos abertos ao público e de inicio e finalización dos espectáculos públicos e das actividades recreativas. Así mesmo, dispón no artigo 5.f) que lles corresponde aos concellos autorizar as ampliacións ou reducións sobre o horario xeral, atendendo aos criterios, os supostos e as circunstancias que, de ser o caso, figuren na orde de horarios prevista no artigo 17 da Lei.

A Orde da Vicepresidencia primeira Consellería de Presidencia, Xustiza e Turismo do 23 de outubro de 2020, pola que se determina o horario de apertura e peche dos establecementos abertos ao público e de inicio e finalización dos espectáculos públicos e das actividades recreativas, dispón no seu artigo 9.1 que os concellos poderán ampliar para todo o seu termo municipal ou para zonas concretas deste os horarios xerais de peche dos establecementos abertos ao público, así como de finalización dos espectáculos públicos e das actividades recreativas, durante a celebración das festas e verbenas populares, do Entroido, da Semana Santa e do Nadal, facendo compatible, en todo caso, o seu desenvolvemento coa aplicación das normas vixentes en materia de contaminación acústica.

Por Resolución da alcaldía nº 1154/2023, de data 18/12/2023, fixouse o número máximo de días naturais durante o presente ano 2024 nos que poderán ampliarse os ditos horarios neste termo municipal, conforme co disposto no artigo 9.2 da devandita Orde. Na citada Resolución indícase que as datas concretas de ampliación dos horarios determinarase mediante resolución da alcaldía, de oficio ou a petición de parte interesada.

No artigo 9.4 da Orde do 23 de outubro de 2020 sinálase que as ampliacións de horario non poderán superar, en ningún caso, en 2 horas os horarios xerais de peche dos establecementos abertos ao público, dos espectáculos públicos e das actividades recreativas.

Logo de ver o escrito presentado o día 19/12/2024, con nº 202499900002074 de rexistro de entrada, por (...), en representación da Asociación Cultural Xente da Tralla, organizadora da festa/verbena popular coa denominación *Pre-festa de fin de ano e Festa de fin de ano*, que se vai celebrar na Avda. Lino Rodríguez Madero, de Cee, (á altura do edificio de Facenda), o sábado, 28 de decembro de 2024, e o martes día 31 de decembro 2024 ao mércores, 1 de xaneiro de 2025, e no que solicita a ampliación máxima do horario de remate da verbena nocturna.



Considerando a vontade deste Concello en apoiar e favorecer o movemento asociativo, que fai posible a celebración destes eventos, que repercuten positivamente en diferentes eidos municipais, así como apoiar o sector hostaleiro municipal, o cal se debe compatibilizar coa aplicación das normas en materia de contaminación acústica ou outras disposicións legais e, así mesmo, cos dereitos de terceiras persoas e co óptimo funcionamento dos servizos públicos.

No uso das atribucións que me outorga a lexislación do réxime local, **RESOLVO**:

1º. **Autorizar a ampliación en 2 horas** sobre o horario xeral disposto nos artigos 5 e 7 da Orde do 23 de outubro de 2020, da **finalización da festa popular** denominada **PRE-FESTA DE FIN DE ANO e FESTA DE FIN DE ANO**, na noite do **sábado, 28 de decembro ao domingo, 29 de decembro de 2024**, e na noite do **martes, 31 de decembro de 2024**, ao **mércres, 1 de xaneiro de 2025**, co cal, o horario máximo de finalización da festa popular referida os días sinalados será ás **06.30 horas**.

2º. **Autorizar a ampliación en 2 horas** sobre o horario xeral disposto nos artigos 5 e 7 da Orde do 23 de outubro de 2020, do **peche dos establecementos de restauración (epígrafe III.2.5, Orde do 23 de outubro de 2020) e de ocio e entretemento (epígrafe III.2.7, Orde do 23 de outubro de 2020) situados na parroquia de Cee**, na noite do **sábado, 28 de decembro ao domingo, 29 de decembro de 2024**, e na noite do **martes, 31 de decembro de 2024**, ao **mércres, 1 de xaneiro de 2025**. A ampliación horaria queda supeditada a que os titulares dos establecementos dispoñan da correspondente licenza municipal de apertura ou teñan presentado no concello a comunicación previa de inicio da actividade con toda a documentación completa esixida polo procedemento.

Notificarlle a presente resolución aos interesados, con indicación expresa dos recursos a interpor, e darlle conta ao Pleno da Corporación na primeira sesión ordinaria que realice.

En CEE, 26 de decembro de 2024.

A alcaldesa, *Margarita Lamela Louzán*

A secretaria, *Rocío Hermida Cancela*

[Documento asinado electrónicamente]